



VEDTEKTER FOR GOL BARNEHAGE

Gjeldande frå 15. august 2022



14. JUNI 2022

VEDTEKE GOL KOMMUNESTYRE

§ 1: EIGAR	Gol kommune er eigar av dei kommunale barnehagane og ansvarleg for drifta.
§ 2: FORVALTNING	<p>Barnehagane skal drivast i samsvar med "Lov om barnehagar med føresegner" og retningslinjer som departementet fastset. Likeins skal dei drivast i samsvar med kommunale vedtak og planar for barnehagen.</p> <p>Vedtektene er ein del av det juridiske grunnlaget for barnehagane si verksemd.</p> <p>Utval for kultur og levekår (UKL) har det politiske ansvaret for barnehagane i kommunen, og er godkjenningssmyndig for nye barnehagar. Sekretariatet er lagt til Gol barnehage.</p> <p>Endring av vedtektene for Gol barnehage (dei kommunale barnehagane) kan vedtakast av UKL. Større endringar og prinsipielle endringar skal leggjast fram for kommunestyret.</p>
§ 3. FORMÅL OG INNHOLD	<p>Barnehagen skal i samarbeid og forståing med heimen ivareta barna sitt behov for omsorg og leik, fremme læring og danning som grunnlag for allsidig utvikling. Barnehagen skal bygge på grunnleggjande verdiar i kristen og humanistisk arv og tradisjon.</p> <p>Barna skal få utfalde skaparglede, undring og utforskartrøng. Dei skal lære å ta vare på seg sjølv, kvarandre og naturen. Barna skal utvikle grunnleggjande kunnskap og ferdigheiter. Dei skal ha rett til medverknad tilpassa alder og føresetnader.</p> <p>Barnehagen skal møte barna med tillit og respekt, og anerkjenne barndommen sin eigenverdi. Den skal bidra til trivsel og glede i leik og læring, og vere ein utfordrande og trygg stad for fellesskap og vennskap. Barnehagen skal fremje demokrati og likestilling og motarbeide alle former for diskriminering. Jf. Lov om barnehagar § 1.</p> <p>Barnehagen skal vere ein pedagogisk verksemd, og skal gje barn mogelegheit for leik, livsutfolding og meningsfylte opplevingar og aktivitetar.</p> <p>Departementet fastsett nærare reglar om barnehagen sitt innhald og oppgåver (rammeplan) ved forskrift. Barnehagen sin eigar kan tilpasse rammeplan til lokale forhold. Med utgangspunkt i rammeplan for barnehagen skal samarbeidsutvalet for kvar barnehage fastsette ein årsplan for den pedagogiske verksemda. Jf. Lov om barnehagar § 2.</p>
§ 4: FORELDRE RÅD OG SAMARBEIDSUTVAL	<p>I samsvar med Lov om barnehagar § 4, skal kvar barnehage ha eit foreldreråd og eit samarbeidsutval (SU). Foreldrerådet består av foreldre/føresette til alle barna i kvar barnehage. Foreldrerådet vel leiar for foreldrerådet og FAU (foreldrerådets arbeidsutval) innan utgangen av september kvart år.</p> <p>Kvar barnehage har eit SU som skal bestå av:</p> <ul style="list-style-type: none"> 2 representantar valt av foreldrerådet (foreldrerådsleiar og ein representant til frå FAU) m/ personleg vararepresentant 2 representantar valt av tilsette m/ personleg vararepresentant 1 representant valt av Utval for kultur og levekår m/ personleg vararepresentant <p>Styrar er sekretær i SU og har talerett, men ikkje stemmerett.</p> <p>Foreldre/føresette og tilsette skal vere likt representert.</p>
§ 5: GODKJENNING	<p>Barnehagane er godkjent for barn i alderen 0 - 6 år, dvs. frå 10 månader.</p> <p>Arealnormene for leike- og opphaldsareal: barn over 3 år 4 m² per barn , og barn under 3 år 6 m² per barn.</p> <p>Uteområde skal vere seks gonger leike- og opphaldsarealet inne.</p>

	<p>Krava vert å sjå på som minimumskrav.</p> <p>Administrasjon i Gol barnehage vurderer ved kvart opptak den praktiske arealutnyttinga. Omsynet til t.d. barn med nedsett funksjonsevne og talet på barn over og under 3 år skal vera med i ei slik vurdering.</p>
§ 6: OPNINGSTIDER	<p>Barnehagane er heildagsbarnehagar som er i drift heile året, og opne 5 dagar i veka. Sjå § 14 Ferie, for nokre unntak.</p> <p>Opningstid: normal opningstid er frå kl. 07.30 - 16.30.</p> <p>Opningstidene kan endrast i samsvar med endra behov og driftsformer.</p> <p>Foreldre/føresette kan ved behov normalt søkje om utvida opningstid frå kl. 07.00 og/eller til 17.00 ved hus med fleire avdelingar. Hus med ei avdeling kan berre utvide med totalt ein halv time. Foreldre/føresette søkjar på eige skjema.</p>
§ 7: PLASSTILBOD	<p>Gol barnehage har følgjande tilbod om plass:</p> <ul style="list-style-type: none"> - 3, 4 eller 5 dagar per veke - ved deltidsplass må det veljast faste dagar for heile året - styrar for den einskilde barnehage avgjer om det skal gjevast tilbod om byte av enkelt dagar eller kjøp av einskilde dagar ved deltidsplass; føresetnad at tal på barn per dag ikkje overstig gjeldande bemanningsnorm - plass vert tildelt etter gjeldande opptakskriterium, jf. § 9 Opptak og opptakskriterium.
§ 8: SØKNAD OM BARNEHAGEPLASS	<p>Gol kommune nyttar det elektroniske opptakssystemet Visma Flyt barnehage ved både ny og endra barnehageplass. Elektronisk søknadsskjema ligg på Gol kommune si heimeside.</p> <p>Fristen for å søkje om plass i samband med hovudopptaket er 1. mars, etter føreutgåande kunngjering i lokalpressa med normalt start frå 15. august.</p> <p>Gol barnehage har i tillegg løpande opptak som tildelast inntil to månadar før den skal takast i bruk, sjå elles § 9.</p>
§ 9: OPPTAK OG OPPTAKSKRITERIUM	<p>Opptaket skal handsamast i samsvar med gjeldande rutinar, lover og forskrifter. Jf. Lov om barnehagar § 16 har kommunen plikt til å gje tilbod om barnehageplass til barn under opplæringspliktig alder og som er busett i kommunen. Retten til plass gjeld for barn som fyller eit år seinast innan utgangen av november det året barnet fyller eit år.</p> <p>Opptaket er eit administrativt ansvar lagt til kommunedirektør. Vedtaksmynde er ved administrativ delegasjon lagt til avdelingsleiar for Gol barnehage, og er i samarbeid med styrar for kvar barnehage.</p> <p>Ved oppstart i barnehage må søkjaren normalt vere busett i Gol kommune. Opptakskrinsen er Gol kommune.</p> <p>Gol kommune har eit hovudopptak, og i tillegg har Gol kommune løpande opptak for dei som søkjar barnehageplass elles i året: alle har rett til barnehageplass seinast 2 månadar etter dato for ynskja start på søknadsskjema. (Unntak er normalt skulens sommarferie).</p> <p>Ved opptak vert følgjande kriterium lagt til grunn for prioritet:</p> <ol style="list-style-type: none"> 1. Barn med nedsett funksjonsevne og barn det er fatta vedtak om etter lov om barneverntenester §§ 4-12 og 4-4 andre og fjerde ledd, jf. Lov om barnehagar §18. Skriftleg uttale frå sakkyndig instans må sendast Gol kommune snarast etter innsendt søknad.

	<p>2. Barn med andre spesielle behov for stimulering og miljøforandring, og barn med spesielle behov for tilsyn grunna sjukdom. Begge tilhøve krev skriftleg uttale frå fagperson.</p> <p>3. Barn som er tildelt barnehageplass har rett til same tilbod til skulestart og blir prioritert ved søknad om endra plass ved ledig kapasitet:</p> <ol style="list-style-type: none"> val av dag ved deltidsplass i same barnehage størrelse av plass i same barnehage overflytting til anna barnehage i kommunen <p>4. Nye barn skal takast inn etter alder, slik at dei eldste blir prioritert.</p> <p>Ved fordeling av plassane til barna skal ein ved val av barnehage i tillegg legge vekt på:</p> <ul style="list-style-type: none"> - Foreldra sin prioritering av barnehage - Barn som allereie har søsken med tildelt plass skal prioriterast til plass i same barnehage når det er ledig kapasitet - Nokolunde lik fordeling når det gjeld barn tatt inn etter kriterium 1 og 2 - Tilnærma lik fordeling på alder, og anna omsyn til samansetting av barnegruppa i den enkelte barnehage.
§ 10: KLAGE PÅ OPPTAK	<p>Det er høve til å klage på vedtaket innan tre veker frå den tid foreldra/føresette er gjort kjend med tildelinga. Kommunen si klagenemnd er klageorgan jf. forskrift. Viser til forskrift om saksbehandlingsregler for opptak i barnehage.</p>
§ 11: FORELDREBETALING	<p>Kommunestyret fastset satsar for foreldrebetaling etter gjeldande lover og forskrifter, visar til betalingsregelement for Gol barnehage på kommunen si heimeside.</p> <p>Føresette må betale for heile barnehageåret.</p> <p>Det vert sendt ut rekning for 11 månader. Juli er fri betaling som kompensasjon for 4 veker ferie.</p> <p>Mat i barnehagen skal vere sjølvfinansiert, og kjem i tillegg til sats for foreldrebetaling. Det er felles faste satsar for kost inklusiv drikke og frukt/grønt.</p> <p>Reduksjon i betalinga i halve eller heile månader gis ved samanhengande fråvær grunna sjukdom. Legeattest må leggjast ved søknad om refusjon.</p> <p>Ved gjentatte gonger for sein henting i barnehagen, må det betalast eit fast gebyr etter skriftleg åtvaring for kvar påbegynt time. Satsane blir justerte i takt med betalingsatsane.</p> <p>Ved manglande foreldrebetaling i meir enn 2 månader, vert det sendt varsel om oppseiing av plassen.</p>
§ 12: BARNEHAGEÅR	<p>Nytt barnehageår startar 15. august og avsluttast 14. august, for skulestartane avsluttast barnehageåret 1. august/eller ut veke 31.</p> <p>Normalt må plassen for nye søkjarar takast i bruk innan slutten av august. Elles visast til Lov om barnehagar § 16 om rett til plass i barnehage.</p>
§ 13: OPPSEIING	<p>Oppseiing av barnehageplassen, også delar av plassen, skal skje med ein månad varsel frå den 1. eller 15. i månaden. Oppseiinga skal gjerast elektronisk via heimesida til kommunen.</p> <p>Ved hovudopptak på våren er det 3 månaders oppseiingstid for dei som likevel ikkje ynskjer å nytte plassen. Det gjeld ikkje endring av dagar/plass.</p> <p>Barnehageplassen vert automatisk sagt opp når barnet skal byrje på skulen.</p>
§ 14: FERIE	<p>Barna må ta ut 4 veker ferie i løpet av året.</p>

	<p>Barnehagane er stengt juleftan og nyttårseftan og dagane mellom jul og nyttår og mellom palmesundag og skjærtorsdag i påskeveka. Dette utgjer til saman ei ferieveke.</p> <p>Gol barnehage gjev eit tilbod til barn og føresette heile sommaren, men kvart barn skal ta 3 veker samanhengande ferie mellom 20. juni (skuleslutt) og 14. august (1. august/veke 31 for skulestartarane). Melding om sommarferie skal meldast barnehagen skriftleg innan 1. april.</p> <p>I sommarferien vil normalt barnehagehusa vere opne avhengig av tal på barn (minimum 10 påmeldte barn). Dei barna som ikkje har ferie, får tilbod om plass der det er opent. Foreldra får melding om samanslåing seinast 1. juni. Personalet skal ordne ferieavviklinga slik at det til kvar tid er personell til stades til forsvarleg drift.</p>
§ 15: PLANLEGGINGSDAGAR	<p>Barnehagen skal i løpet av eit barnehageår ha fem planleggingsdagar. Barnehagen heldt stengt desse dagane.</p> <p>Plassering av planleggingsdagane blir fastsett av personalet, foreldre og samarbeidsutvalet for barnehagen. Ved usemje blir plasseringa avgjort av Utval for kultur og levekår. Planleggingsdagane tel ikkje som ferie.</p>
§ 16: FRAMMØTE/ FRÅVÆR	<p>Barna skal ha følgje til og frå barnehagen, og det skal gjevast melding til personalet om at dei er komne/henta. Ved avvik frå normalt frammøte/fråvær skal barnehagen ha melding på førehand.</p> <p>Dersom andre enn den/dei som har dagleg omsorg for barnet hentar i barnehagen, skal det på førehand gjevast melding til barnehagen.</p>
§ 17: POLITIATTEST	<p>Dei som skal arbeide eller ha praksis i samband med utdanning i barnehage må leggje fram tilfredsstillande politiattest jf. Lov om barnehagar § 30 og Forskrift om politiattest i høve barnehagelova. Attesten skal m.a. vise om vedkommande er sikta, tiltalt eller dømt for seksuelle overgrep mot barn.</p>
§ 18: TEIEPLIKT	<p>Alle som arbeidar i barnehagen har teieplikt i alle tilhøve vedkommande barna og deira heimemiljø jf. Forvaltningslova § 13 og Lov om barnehagar § 44. Dette gjeld også vikarar, lærlingar, studentar eller andre som er tilstade i barnehagen.</p>
§ 19: OPPLYSNINGSPLIKT	<p>Alle som arbeidar i barnehage skal vere merksam på forhold som kan føre til tiltak frå sosial- og barneventenesta. Dei tilsette har plikt til av eiga tiltak å melde frå om slike saker jf. Lov om barnehagar §§ 45 og 46.</p>
§ 20: HELSEKONTROLL	<p>Helsetilsyn skjer i samsvar med Lov om barnehagar § 50.</p> <p>Det skal leggst fram erklæring om barnet si helse før det begynner i barnehagen.</p> <p>Foreldra skal seie frå til personalet i barnehagen dersom barnet/barna har fått ein smittsam sjukdom. Ved mistanke om hovudlus skal personalet kunne kontakte helsestasjonen.</p> <p>Tilsette i barnehage har plikt til å gjennomgå tuberkulosekontroll jf. gjeldande regelverk.</p>
§ 21: INTERNKONTROLL OG TILSYN	<p>Barnehagane er ein del av Gol kommune sitt internkontrollsystem.</p> <p>Kommunen kan føre tilsyn med kvar barnehage jf. Lov om barnehagar § 53.</p>